

# Årsmelding 2022

## VÅGÅ FJELLSTYRE

Vågå fjellstyre forvaltar bruksrettane, dvs. jakt, fangst, fiske, seterbruk og beite i Langmorkje statsallmenning (884 km<sup>2</sup>) og Nordherad statsallmenning (24 km<sup>2</sup>) etter fjellova og med tilhøyrande forskrifter.

### Fjellstyret

Fjellstyret 2022 med varamedlemmer i parentes:

Pål Grev (Ap), leder	(Sverre Braaten)
Hans Petter Vaberg (Bl), nestleder	(Steinar Aasgaard)
Gunn Berit Aasheim (Ap)	(Rita Danilelsen Benrud)
Steinar Håkenstad (Sp)	(Marius Haugaløkken)
Turid Grimsbø Snerle (Sp)	(Kjersti Aasvang Dalen)

Det har vore 8 fjellstyremøte med behandling av til saman 38 saker, av desse 6 saker etter fullmakt (delegert til styreleder/dagleg leder).

Sakene fordeler seg slik på type og antal:

- Referatsaker	6 (96 refererte saker/dok.)
- Administrative saker, diverse val m.m.	9
- Søknader tilskot/utbetaling tilskot/økonomi	5
- Arealplanar og andre planar (høyring)	1
- Om hyttefeste/andre feste (uttale Statskog)	2
- Andre arealdisp. (uttale Statskog/kommunen)	4
- Utvising beiteareal/tilleggsjord	0
- Setersaker (m.a. bygging på seter)	1
- Fiske	0
- Jakt/viltforvaltning	7
- Hundtrening/hundprøver	2
- Anna	1

Styremedlemmer møter på vegne av fjellstyret i ulike samanhengar. Pål Grev er leder i AS Vågåfisk og Steinar Håkenstad er leder i styret for Vågå Sør viltområde. På årsmøte for fjellstyra i Oppland deltok Pål Grev, Gunn Berit Aasheim og Steinar Håkenstad. Pål Grev og Knut Øyjordet deltok på landsmøte for Norges Fjellstyresamband. Fjellstyret hadde ei synfaring til Vågåbue 30. juni.

### Oppsynsordninga/sekretariatet

Sekretariatet for fjellstyret er det fast heilårstilsette fjelloppsynet, dvs. Knut Øyjordet (dagleg leder). Vidar Rugsveen er fast tilsett i 7-8 månader, i perioden ca. 15. april – ca. 1. desember. Stillinga etter Erik Myrum vart lyst ut i april, men det var fyrst i november etter 2. gongs utlysing at stillinga vart besett, da Oskar Pettersen takka ja til tilbodet. Pga. underbemanning dette året vart det ein del meirarbeidstid på dei to faste.

Fjellstyret tek på seg ein del tenestesar, m.a. sekretær- og rekneskapsarbeid for Finndalen fjellstyre, dagleg drift av AS Vågåfisk og oppsyn og skjøtselsoppgåver i Jotunheimen nasjonalpark og i dei mindre verneområda i Langmorkje, samt bestandregistrering jerv (for Miljødirektoratet). I tillegg sekretær oppgåver for Vågå Sør viltområde, kortsal og oppsyn med småviltjakta i "Nordherad fellesområde", og adm. av villreinvaldet "Vågå fellesområde".

Sekretærarbeid og administrasjon tek ein stor del av tida til fjelloppsynet, spesielt i vinterhalvåret. Oppsummering av arbeidstid samla for året, viser denne prosentfordelinga:

- Oppgåver som gjev grunnlag for refusjon 58,8 % (dvs. oppsyn 9,5, skjøtsel 20,7, saksbehandling 11,1 og anna innarbeid 17,6).
- Kortsal og rekneskap 3,8 %.
- Verna område 6,2 %.
- Finndalen fjellstyre 4,1 %.
- AS Vågåfisk 25,5 %.
- Andre tenester 1,5 %.

I oppsyn med jakt og fiske blir brukarkontakt vektlagt, der informasjon og tilbakemeldingar frå brukarane er viktig. Spørsmål om løysing av kort skjer for det meste ved stikkontrollar. M.a. vart 54 småviltjegerar og 52 fiskarar kontrollert. Ingen forhold vart meldt til politiet. Seks forhold vart «oppgjort på stedet» (to fiskesaker, fire saker knytt til laushund).

### **Arbeidsmiljø, likestilling, ytre miljø m.m.**

Som nemnd ovanfor, har fjellstyret to heilårstilsette og ein fast tilsett på deltid. Samla utgjer dette ca. 2,7 årsverk. Det har ikkje vore skader eller ulykker i løpet av året. Arbeidsmiljøet må seiast å vera tilfredsstillande. Ein kan ikkje sjå at verksemda tilfører forureining til det ytre miljøet. Vedrørande likestilling, blir den kvinnelege representasjonen i styret ivaretatt i kommunen si oppnemning av medlemmer til fjellstyret etter kvart kommuneval.

Fjellstyret har vedteke regelverk for helse, miljø og sikkerheit (HMS). Innhaldet i regelverket blir følgd opp og revidert når det er nødvendig.

## **Arealplanar, arealforvaltning og grunndisponering**

### **Arealplanar/diverse arealsaker til uttale**

Av arealsaker som fjellstyret behandla, kan nemnast:

- Spørsmål om supplerande vern av Jotunheimen nasjonalpark.
- Søknad om oppgradering og merking av gamal stig til Heimdalshøe, og spørsmål om merka rundløype til Gåpåpiggen.
- Søknad om omlegging av veg til ei seter.

### **Andre saker**

Av andre saker til uttale kan nemnast:

- Søknad om bygging av naust ved Bessvatnet (Vågå Røde Kors hjelpekorps).
- Søknad om inngjerding av ein campingplass (Jotunheimen caravancamp).

## Jordbruk

### Seter, tilleggsjord og beiteareal

Av seter med mjølkeproduksjon, var det registrert 8 enkeltseter, 1 samdrifts-/felles seter og ei felles seter for geit (i Griningsdalen). Det var ingen utvisingar av beiteareal eller tilleggsjord dette året.

### Beite

I beitelaga Nordherad, Baksida, Tessand, Fuglhøe, Hindflye, Russdalen, Besstrondfjellet, Leirungsdalen og Stuttgongkampen er det i dei fleste laga organisert ordning med gjeting. Fjellstyret gjev tilskot til ordninga etter følgjande retningslinjer (som vart revidert frå 2021): ”For organisert gjeting av husdyr i Langmorkje og Nordherad statsallmenningar, vil fjellstyret frå 2021 og inntil vidare gje 25 % av lønskostnadane i tilskot til beitelaga for utgifter til gjetar, med eit maksimalbeløp på kr. 30.000 pr. lag. For Nordherad beitelag og Baksida beitelag som også omfattar område med privat grunn, vil fjellstyret gje 12,5 % av kostnadene. Tilskotet vil bli utbetalt når rekneskapet frå beitelaga føreligg, med sum for lønskostnad med gjetar”. Tilskotet vart dette året på kr. 73.610.

Av sau og lam vart det i Tessand beiteområde sleppt 1.851 dyr, i området Fuglhø/Hindflye 872, Russdalen 949, på Besstrondfjellet/Leirungsdalen 877 og i området Stuttgongkampen/Refjellet 1.287 dyr. Det var generelt lite tap forårsaka av freda rovdyr, men det var registrert tap av sau inst i Russdalen forårsaka av jerv.

Tabellen nedanfor viser talet på husdyr på beite i Sjødalen, Heimfjellet og Nordherad. Tala for Heimfjellet omfattar også areal utanom statsallmenning, dvs. alt areal sør for Otta elv. Tala for Nordherad omfattar heile arealet innan Vågå kommune mellom Vågavatnet og Finna.

Område	Sau og lam	Mjølkeku/ ammeku	Kviger/ kalvar	Geit	Hest
Sjødalen	5.121	189	309	479	0
Heimfjellet	2.674	315	424	130	10
Nordherad	611	82	120	34	1

Fjellstyret leiger ut beite til Vågå Tamrein AS (10-årsavtale frå 2014), samt til Lom Tamrein for bruk av området ved Fuglhøe i ti dagar før haustslaktinga.

### Setervegar

Det er eige vegstyre for desse setervegane: Heimfjellvegen, Djupvikvegen, Veslvassvegen, Valdesetervegen, Slombsetervegen, Nysetervegen, Fuglesetervegen, Sjoli – Sallivegen og Griningsdalsvegen. Fjellstyret fordelte totalt kr. 240.000,- til vegstyra.

### Anna

Etter avtale og i samarbeid med Statskog, kommunen og Mattilsynet tok fjellstyret v/fjelloppsynet på seg å kontrollere alle gjerde rundt seterkvær, dyrkingsparsellar og hamningar i Langmorkje i 2021. I 2022 følgde Statskog opp dette med brev til ein del brukarar med krav om vedlikehald der det er nødvendig.

# Jakt

## Elg- og hjortejakta

Langmorkje statsallmenning er med i valdet Vågå Sør viltområde, der Ottadalen-Skårsroe grunneigarlag, Sjørdalen viltlag, Strandens jaktforening, Storviksmorkje jaktforening og fjellstyret samarbeider om felles bestandsplan for forvaltning av elg, hjort og rådyr (samarbeid sidan 1993).

2022 var fyrste året i treårsavtaler med jaktlaga. I Langmorkje vart det tildelt 43 elgar og 17 hjortar, og felt 43 elgar og 15 hjortar. Totalt vart det felt 54 elgar og 54 hjortar i Vågå Sør viltområde. I Nordherad fellesområde der Nordherad statsallmenning er innlemma, vart det felt tre elgar og 16 hjortar. Tabellen nedanfor viser tildelt elgkvoter og avskyting dei ti siste åra (i Langmorkje).

År	Kvote	Felt	Kalv hann	Kalv ho	1 ½ år hann	1 ½ år ho	Eldre hann	Eldre ho
2013	38	36	10	2	7	7	7	3
2014	41	39	9	3	6	3	12	6
2015	42	42	6	7	3	9	11	6
2016	38	34	7	4	5	4	10	4
2017	46	43	7	9	6	6	9	6
2018	45	41	5	3	8	7	12	6
2019	48	46	3	4	10	4	13	12
2020	49	47	5	5	7	3	15	12
2021	49	46	7	1	12	1	18	16
2022	43	39	8	6	6	2	10	7

Det vart frå 2019 opna for hjortejakt i Jotunheimen nasjonalpark. Frå 2021 vart feltet delt i to og med lag frå Vågå på Vågåsida og lag frå Lom på Lomssida. Båe laga hadde i 2022 ei kvote på eitt dyr (fri bukk), det vart felt to vaksne bukkar, dvs. ein bukk både i Vågå og Lom.

## Villreinjakta

Nordherad statsallmenning fekk tildelt 7 kort, og det vart felt 7 dyr. I Vågå fellesområde, som omfattar alle jaktfelte i Vågå, vart det felt 25 av 34 dyr og i Finndalen statsallmenning 44 av 84 dyr. Som tidlegare år gjev fjellstyret bort eitt av korta (pluss eit rådyrkort) som premie til Vågå JFF/Vågå skyttarlag, som blir trekt blant dei som skyt minst 60 treningsskot over minst fire kveldar.

## Rådyrjakta

Rådyrjakta i Langmorkje skjer i tre jaktfelt, og i 2022 vart det tildelt 40 kort (eitt av desse gavepremie). Korta blir tildelt ved loddrekning (72 søkjarar). 17 av korta vart tildelt som bukkejakt med jakttid 10. august til 24. september og eventuelt fram til jul dersom dyret ikkje blir felt i bukkejakta. Det vart felt 8 dyr (6 dyr i 2021, 12 i 2020, 9 i 2019, 10 i 2018, 14 i 2017, 7 i 2016). Tilbakemelding frå jegerane er at rådyrbestanden er på middels nivå.

I Nordherad statsallmenning inngår rådyrjakta som ein del av samarbeidsavtala om jakt i Nordherad fellesområde. Det er Nordherad grunneigarlag som administrerer elg-, hjorte- og rådyrjakta. Det vart felt 7 dyr (16 kort).

## Småviltjakta

Med grunnlag i taksering av lirype før jakta, jaktrapportar, direktekontakt med jegerar og observasjonar gjort av fjelloppsynet og andre, var bestanden både av fjellrype og lirype generelt dårleg, men med lokale variasjonar spesielt for lirypa. Før jakta vart det vedteke ei dagskvote på 1 rype. Med bakgrunn i tilbakemeldingane frå jegerane etter ca. ei veke, fekk ein stadfesta at det også var dårleg produksjon av fjellrype, og fjellstyret vedtok å frede rypa frå 30. september og ut sesongen, slik som året før.

2021 var fyrste året med regulering av talet på utanbygds jegerar utan hund. Det vart vedteke å opne for maks. 125 jegerar i tre 5-dagersperiodar i tida 15.-29. september, dvs. totalt 375 kort. Søknad, trekking og sal av desse korta skjedde med bruk av Inatur. Sjølv om rypa vart freda frå 30. september, heldt det frie kortsalet fram for jakt på andre artar. Det var bra med hare denne hausten.

## Kortsalet

Tabellane nedanfor syner utviklinga i talet på selde jaktkort siste 10 åra.

### Innanbygds utan hund

År	Dagskort	3 dagar	Veke	Sesong	Samla
2013	18	3	3	41	65
2014	11	4	1	47	63
2015	11	6	1	27	45
2016	12	3	2	37	54
2017	15	5	1	49	70
2018	7	1	3	45	56
2019	5	2		33	40
2020	7	4		33	57
2021	7			43	50
2022	4		2	17	23

### Utanbygds utan hund

År	Dagskort	3 dagar	Veke	Sesong	Samla
2013	581	220	20	70	891
2014	702	240	45	85	1072
2015	772	152	51	84	1009
2016	596	251	38	93	978
2017	736	228	55	80	1099
2018	1032	350	80	128	1590
2019	915	310	60	122	1407
2020	1084	371	74	153	1682
2021	399	207	38	57	701
2022	76	10	9	5	100

Frå 2021 gjeld salet frå 30. sept. Rypa vart freda frå 30. sept. både i 2021 og 2022.

I regulert periode 15.-29. september vart det totalt seld 251 kort (av 375), dvs. 125 kort i 1. periode, 95 kort i 2. periode og 31 kort i 3. periode.

### Innanbygds med hund (gjeld både med fuglehund og harehund)

År	Dagskort	3 dagar	Veke	Sesong	Samla
2013	5			40	45
2014	4			55	59
2015	4	1		46	51
2016	8	3	1	53	65
2017		2		49	51
2018	2	1	1	56	60
2019	5	3		49	57
2020	3	2		56	61
2021	8	1		33	42
2022	7			30	37

### Utanbygds med harehund (fritt kortsal tida 18.10 – 23.12)

År	Dagskort	3 dagar	Veke	Sesong	Samla
2013	17	7	7	31	62
2014	13	3	13	19	48
2015	4	7	14	18	43
2016	5	2	10	14	31
2017	5	4	6	29	44
2018	7	6	14	22	49
2019	7	11	6	28	52
2020	9	9	10	22	50
2021	12	4	17	21	54
2022	12	5	20	16	53

For Nordherad fellesområde vart det samla seld 20 kort til utanbygds og 6 kort til innanbygds. Her var det vanleg jakttid 15. september til ut februar. Rypa vart ikkje freda her, og dagskvota var 1 rype.

For rypejakt med hund for utanbygds er tilbodet 35 kort i tida 15.09 – 19.09 og 35 kort i tida 20.09 – 24.09, fordelt på tre jaktfelt og med tilbod om jakt i tre år ved fyrste gongs uttrekking. Det var i alt 97 søknader som omfattar 183 personar.

2001 var fyrste året med tilbod om gratis jaktkort (og fiskekort) til barn og ungdom i Vågå til og med fylte 19 år. Det vart løyst 4 slike jaktkort i 2022. I perioden 2001 – 2021 har talet variert frå 3 til 17 kort.

### Jaktrapportar

Det er innkome 68 rapportar frå dei 70 utanbygds (97 %) som jakta med fuglehund i regulert periode (ti fyrste dagane). Dei har felt 26 liryper og 1 orrfugl (0,5 ryper per jeger), og jakta ca. 3,3 dagar kvar. Frå utanbygds utan hund i regulert periode (15 fyrste dagane) er det innkome 233 rapportar, dvs. 93 %. 26 jegerar har ikkje jakta, 147 har ikkje felt vilt. Totalt er det felt 32 liryper, 47 fjellryper, 1 orrfugl, 2 storfugl og 9 harar. Frå utanbygds utan hund etter 30. september (fritt kortsal, rypa freda) er det innkome 80 rapportar (89 %). Desse har felt totalt 7 orrfuglar, 3 storfuglar og 8 harar.

Frå innanbygds med kort utan hund, er det innlevert 26 rapportar, dei fleste var sesongkort (95 %), og blant dei som jakta med fuglehund 26 rapportar (78 % blant dei med sesongkort). Totalt er det felt 37 liryper, 2 fjellryper, 12 orrfuglar, 7 storfuglar og 7 harar.

Blant utanbygds med harehund fyrste veka (11.-17. oktober) er det innlevert 30 rapportar (100 %), og det vart felt totalt 14 harar. Frå utanbygds som har løyst kort etter den 18. oktober er det innkomne 47 rapportar (89 %). Desse rapportane viser ei felling på totalt 27 harar.

Av andre artar er det felt følgjande i Langmorkje: 10 revar, 5 mårar, 1 villmink, 2 røyskattar, 19 kråkar og 2 ravnar. Dette omfattar hovudsakleg det som er innrapportert felt/fanga i Langmorkje gjennom småroviltprosjektet/skotpremieordninga.

### **Trening av jakthundar**

Frå 2009 vart tilbodet om trening av fuglehundar utvida frå området i Hoskelie (perioden 21.08-14.09) til også å gjelde i perioden februar-mars i heile Langmorkje statsallmenning, men med unntak av den delen av Jotunheimen nasjonalpark som ligg i Langmorkje. Tabellen nedanfor syner utviklinga i talet på selde treningskort (dvs. utanbygds med fuglehund).

År	1-døgn	Sesong	Samla
2013	92	12	104
2014	110	18	128
2015	108	17	125
2016	99	35	134
2017	80	44	124
2018	99	40	139
2019	103	51	154
2020	133	69	203
2021	149	57	206
2022	96	44	140

Blant innanbygds som løyser gratiskort for hundtrening, er det løyst 7 kort for bruk av fuglehund, 7 kort for harehund og 10 dagskort for trening med elghund.

### **Jaktprøver, terreng for trening/kurs**

Det vart gjeve løyve til bruk av terreng for følgjande prøver m.m. i 2022:

- Gudbrandsdal fuglehundklubb, jaktprøve 26. og 27. mars (avlyst), 3. og 4. september.
- Gudbrandsdal fuglehundklubb, treningssamling 22. og 23. oktober (avlyst).
- Gudbrandsdal fuglehundklubb, klubbmesterskap 12. februar.
- Gudbrandsdal harehundklubb, jaktprøve 8. oktober.

Jotunfjell Fjordane elghundklubb har løyve (på bestemte vilkår) til å disponere Langmorkje statsallmenning for å arrangere m.a. jaktprøver for laushund og bandhund, ferskspor- og blodsporprøver. Det vart arrangert 16 laushundprøver, 34 blodsporprøver, ettersøkskurs ei helg i juni (8 deltakarar) og laushundprøve unghundar 20. oktober (5 deltakarar).

Fjellstyret vedtok frå 2015 å utvide tilbodet om trening av elghund for innanbygds etter at elgjakta er avslutta og fram til jul. Fordi det ennå kan foregå elgjakt, føreforholda kan variere osv, er val av område og tidsrom for slik trening delegert til dagleg leder. Det var ikkje stor pågang for slik trening dette året heller (ca. 5 stk).

## **Viltstell**

Frå 2014 vart det innført eit eige kort for jakt på smårovvilt for heile kommunen. Dei aller fleste private grunneigarlag er med på ordninga, med gratis jaktkort (for innanbygds) for jakt/fangst på raudrev, mår, mink, røyskatt, grevling, kråke, ravn, skjære og nøtteskrike. Utanbygds betaler kr. 100,- for eit slikt kort (sal på Inatur). Det er skotpremie for enkelte av artane, med poengbørs og konkurranse om flest mogleg poeng i ei junior- og ei seniorklasse (opplegg berre for innanbygds). Personar i Vågå JFF tek ansvar for registrering, medan fjellstyret tek ansvar for å administrere skotpremieopplegget, poengbørs og informasjon på heimesida.

Det var 29 innanbygds som løyste smårovviltkort og 8 utanbygds. Alexander Skogum vann seniorklassa, Emil Rugsveen vart nr. 2 og Mathias Steine nr. 3 (totalt 11 som har registrert felt smårovvilt). Ingen i juniorklassa har levert felt smårovvilt. Totalt vart det felt 29 raudrev, 15 mår, 1 mink, 3 røyskatt, 4 grevling, 41 kråke, 2 ravn, 97 skjære og 3 nøtteskrike. Det vart utbetalt totalt kr. 18.650,- i skotpremie, av dette kr. 6.050,- frå fjellstyret.

Fjellstyret sette i 2015 opp ein ”røvs-glugg” ved Storvikssetra. Det vart inngått ei avtale med eigaren av setra om bruk av strøm. Gluggen var populær i starten, og det vart felt fire revar både fyrste og andre året, to i 2017, tre i 2018 og to både i 2019, 2020 og 2021. Det vart ikkje felt rev der i 2022.

## **Generelt om faunaen elles**

I bestandsregistreringa av jerv (oppdrag for Miljødirektoratet/SNO), vart det registrert spor etter jerv i Sjødalsområdet, men det var generelt dårlege sporingsforhold denne vinteren. Det var ikkje registrert hekking av jaktfalk dette året. Kongeørn blir jamleg observert. Smågnagarbestanden var ikkje stor.



## Fiske

På Gjende er kvaliteten på fisken betydeleg betre nå, men innslaget av større fisk er ennå liten. Dei to «magre» åra 2019 og 2020 har nok forårsaka ein del naturleg avgang blant dei større fiskane i bestanden. I stamfiskinga i november var det litt betre fangst av gytemoden hofisk enn året før. Stongfiskinga på Gjendeosen gav dårleg resultat også dette året. Gjendeflugu var nesten heilt fråværande også denne sommaren, noko som naturlegvis bekymrar fiskarane. På dei andre vatna var fiske på det jamne. Det er fin og stor fisk på fleire av dei større vatna, som Øvre og Nedre Sjudalsvatnet, Nedre Leirungen, Bessvatnet, Lemonsjøen og Flatningen. Det er også gledeleg at enkelte oppsøkkjer dei meir avsidesliggjande vatna/tjønnene, og i somme av desse blir det tatt stor fisk både på stong og oter.

### Fiskereglar

Det var ingen endring i fiskereglar før denne sesongen.

### Kortsalet

Tabellane nedanfor syner talet på selde fiskekort dei siste 10 åra.

Innanbygds (stong, oter og faststående reiskap)

År	1-døgn	3-døgn	Veke	Sesong	Familie	Gratiskort	Samla
2013	40	17	5	171	134	20	387
2014	65	13	8	171	144	18	419
2015	40	6	7	157	155	22	387
2016	32	10	6	119	146	7	320
2017	37	6	7	109	153	14	326
2018	30	9	10	148	136	12	345
2019	29	13	5	136	145	20	348
2020	34	20	7	139	143	20	363
2021	33	17	10	124	154	13	351
2022	46	10	12	125	137	20	350

Gratiskortet gjeld barn og ungdom i Vågå under 20 år. Familiekort gjeld berre sesongkort.

Stongfiske

År	1-døgn	3-døgn	Veke	Sesong	Familie	Samla
2013	1140	270	82	212	330	2034
2014	992	241	82	211	267	1793
2015	910	201	85	172	281	1649
2016	1176	261	83	156	322	1998
2017	1045	244	95	150	328	1862
2018	1093	221	78	131	348	1871
2019	1032	222	57	137	313	1761
2020	1272	195	86	145	432	2130
2021	1120	177	68	132	359	1856
2022	1082	178	75	116	345	1796

”Familie” gjeld samla for 1-døgnskort, 3-døgnskort, vekeskort og sesongkort.

### Stong-/oter-/garnfiske utanbygds

År	1-døgn	3-døgn	Veke	Sesong	Familie	Samla
2013	36	15	9	46	32	138
2014	36	27	6	50	38	157
2015	51	28	14	95	33	221
2016	53	25	12	93	48	231
2017	55	39	21	97	52	264
2018	52	27	10	89	52	230
2019	34	32	11	79	48	204
2020	83	57	19	97	62	318
2021	50	27	17	87	53	234
2022	66	36	21	76	50	249

Familiekort gjeld berre for sesongkort.

### Prøvefiske

Det vart gjennomført prøvefiske på Gjende.

### Utsettingar/fiskestell

Det vart sett ut fisk i følgjande vatn:

Lemonsjøen	5.000 (2-somrig/2-årig)
Flatningen	3.000 (2-somrig/2-årig)
Skytningen	200 (2-årig)
Hesthaugtjønn	300 (2-årig)
Rindtjønn	200 (2-årig)
Dyrtjønn	100 (2-årig)
Bukkehåmårtjønn	150 (3-årig)
Leirungstjønn øvre	150 (3-årig)
Leirungstjønn nedre	150 (3-årig)
Diprtjønn	100 (2-somrig)

Fangst av goløye med ruser har siste to åra skjedd berre på Nedre Leirungen (med hjelp av Jon Jeilen) og på Surtningen. Tabellen viser fangst i liter frå 2005, og med talet på ruser i parentes.

VATN	2005	2006	2007	2008	2009	2010	2011	2012	2013
Surtningen	49 (10)	53 (10)	70 (10)	44 (10)	52 (10)	61 (10)	32 (10)	44 (10)	35 (10)
Melingen	181 (20)	98 (10)	73 (11)	84 (18)	35 (5)				
Birisjøen		90 (10)	49 (8)						
N. Leirungen	63 (8)	59 (8)	63 (10)	76 (10)	65 (10)	50 (10)	52 (9)	52 (10)	58 (10)
Sum	293 (38)	300 (38)	255 (39)	204 (38)	152 (25)	111 (20)	84 (19)	96 (20)	93 (20)

VATN	2014	2015	2016	2017	2018	2019	2020	2021	2022
Surtningen	73 (10)	47 (10)	45 (10)	51 (10)	38 (10)	41 (10)	46 (10)	48 (10)	24 (10)
N. Leirungen	63 (8)	42 (8)	60 (8)	49 (10)	52 (10)	48 (10)	58 (10)	89 (10)	65 (10)
Melingen		96 (10)	181 (10)	187 (20)	209 (20)	179 (20)	111 (20)		
Sum	136 (18)	185 (28)	286 (28)	287 (40)	299 (40)	268 (40)	215 (40)	137 (20)	89 (20)

### Stamfiske

Det vart stamfiska to netter på Lemonsjøen (ca. 10 liter rogn) og to netter på Gjendeosen (ca. 0,5 liter rogn). I tillegg er det lagt inn ca. 10 liter rogn av Vinsternstamme i fiskeanlegget.

### Utleige/utlån båtar

Tabellen nedanfor viser oversikt over utleige av båtar til utanbygds (1-døgn) og utlån av båtar til innanbygds (1-døgn), samt totalt leige/utlån dei siste fem åra (inkl. bruk av utanbygds som kjøper sesongkort). I 2022 vart det seld 4 sesongkort til utanbygds, og samla nytta desse båten på Veslvatnet i 28 døgn, Kvitingen i 2 døgn, Surtningen i 2 døgn, Slomtjønn i 9 døgn, Birisjøtjønn i 3 døgn, Birisjøen i 6 døgn, Brurskarstjønn i 2 døgn og N. Leirungen i 2 døgn.

Vatn	Innanb.	Utanb.	2022	2021	2020	2019	2018
Veslvatnet	4	40	44	24	30	29	27
Kvitingen	1	3	4	1	9	6	5
Surtningen	5	12	17	9	24	19	9
Melingen	9	5	14	1	1	1	5
Slomtjønn	12	29	41	31	46	41	39
Birisjøen	8	9	17	16	19	28	11
N. Birisjøtjønn		10	10	2	9	2	4
Griningsdalsvatn	3	2	5	11	11	10	7
Brurskarstjønn		6	6	4	2	5	5
Øvre Leirungen		5	5	1	4	3	13
Nedre Leirungen	13	15	28	24	24	12	21

### Fjellstyrehyttene

Tabellen viser oversikt over talet på utleigdøgn for dei ulike fjellstyrehyttene sidan 2014. Frå 2015 vart Inatur nytta for sal av overnatting for Vargebue, Forsthytta og bue ved Nedre Leirungen, samt Vågåbue og Gjendeosbue frå 2021.

	2014	2015	2016	2017	2018	2019	2020	2021	2022
Bessvassbue	31	42	47	45	38	38	41	35	33
Gjendeosbue	63	31	48	34	52	32	21	27	15
Vågåbue	59	59	54	34	39	24	25	26	43
Bu N.Leirungen	7	23	55	12	16	26	131	138	101
Vargebue	38	94	128	112	130	143	108	136	131
Forsthytta	8	77	100	105	100	102	105	131	123

## Rekneskap

I 2022 var inntektene på kr. 4.635.507 og utgiftene på kr. 3.699.811. Dette gjev eit overskot på kr. 935.696. Detaljar om rekneskapen og økonomien elles i fjellkassa går fram av rekneskapet. Tabellane nedanfor gjev ei oversikt over viktige rekneskapstal siste åra. Årsoppgjeret er avlagt under føresetnad om vidare drift av fjellstyret si verksemd. Styret stadfestar at føresetnad for framleis drift er til stades.

Oversikt over dei største inntektene 2016 – 2022, i 1000 kr

	2016	2017	2018	2019	2020	2021	2022
Fiskekort	537	545	541	517	592	539	505
Småviltjakt	523	564	781	694	868	663	419
Storviltjakt	436	475	528	613	598	575	518
Festeavgift	925	1.026	1.137	1.170	1.231	1.319	1.405
Refusjon oppsyn m.m.	363	362	366	368	369	545	366
Beiteleige	257	282	283	285	291	303	353
Tenestesar arbeid verna omr.	90	100	173	170	170	160	160
Sal av andre tenester	468	399	461	590	463	509	489
Utleige hytter	136	135	163	165	254	223	228
Renteinntekter	66	51	86	91	98	57	88

Oversikt over dei største utgiftene 2016 – 2022, i 1000 kr

	2016	2017	2018	2019	2020	2021	2022
Samla kostnad tilsette	1.963	2.025	2.158	2.343	2.342	2.488	1.898
Godtgjersle fjellstyret	60	62	77	67	71	59	92
Kontorhald, forsikring mm.	385	378	417	408	423	492	529
Settefisk	188	142	156	156	180	156	194
Provisjon kortsal/hyttesal	150	156	184	176	211	169	149
Drift hyttene og Steinholet	151	116	96	147	273	303	98
Tilskot næringsformål	317	340	423	455	395	595	409
Tilskot allmenntytteige formål	80	64	26	55	30	95	37

Rekneskapstal frå dei siste ti åra

År	Inntekter	Utgifter	Over/underskot	Eigenkapital
2013	3.714.405	3.219.018	495.387	7.811.598
2014	3.672.188	3.803.852	- 131.664	7.688.499
2015	3.861.223	3.410.387	450.836	8.156.936
2016	3.921.418	3.542.793	378.623	8.538.002
2017	4.025.171	3.551.118	474.053	9.012.053
2018	4.675.359	3.818.002	857.335	9.402.489
2019	4.831.253	4.062.952	768.299	9.986.829
2020	5.043.604	4.159.235	884.369	10.903.958
2021	5.020.273	6.109.476	- 1.089.204	10.404.264
2022	4.635.507	3.699.811	935.696	11.339.963

Eigenkapital omfattar sum eigedelar minus gjeld.

Av tilskot til næringstiltak gav fjellstyret:

- kr. 240.000 til vegstyra, til vedlikehald setervegar.
- kr. 73.610 til beitelaga, utgifter med gjeting (jf. retningsliner for tilskot).
- kr. 80.000 til Vågåfjell turløyper, skiløypepreparering og rydding av trasear.
- kr. 15.000 til Russdalen veglag for vedlikehald veg.

Av tilskot til allmennyttige tiltak gav fjellstyret:

- kr. 8.000 til Heidalskogen skianlegg, skiløypepreparering i omr. Melingen-Bøneslia.
- kr. 5.000 til Jegerprøvekurset, kostnad kurs for ungdom i Vågå under 20 år.
- kr. 5.000 til Odd Ymbjørgøyen, brøyting vegen i Bøneslie til Flatningen.
- kr. 15.000 til Vågå skytterlag, oppgradering miniatyrbane.
- kr. 4.032 til Vågå kommune, busstransport 7. klasse til besøk fiskeanlegget.

Vågå fjellstyre, mai 2023

Pål Grev  
leder

Hans Petter Vaberg  
nestleder

Gunn Berit Aasheim  
medlem

Turid Grimsbø Snerle  
medlem

Steinar Håkenstad  
medlem

Knut Øyjordet  
dagleg leder